



Wann man mit dem **S**üfechten zusammen kument vnd gleich mit ainander angepunden hat so wechset man durch von seiner rechten auf sein lincken seiten mit ainem stosz. Dimpft er dir das ab so tritt mit deinem rechten schenckel hinnein vnd kumbst in sein plat mit deinem hinder ort hinwech auf dein rechte seiten. Begert er dir dein hellenparten also hinwech zu nemen so tritt mit deinem lincken fuoß zu dück vnd stozt in deinen vordern ort zu seiner prüft ver seht er dir das so tritt wider umb zwifach zu ihm hinein vnd schlag in mit deinem hinder ort zu seinem haupt schlecht. Er dir also nach deinem haupt so ver seht in das niten in dein er hellenparten indes greiff mit deiner lincken hand nach seinem hinder ort vnd mit der rechten nach seinem vordern das du die baid hellenparten in deinen henden habest in dem tritt mit deinem lincken fuoß auf sein rechtes knie so magstu in den schenckel entzway wechen hat er dir die baid hellenparten also zusammen gefast vnd begert dich zu treten so laß dein rechte hand von deiner hellenparten vnd far in außwendig vmb sein kniebug indes schieb oben mit deiner lincken hand starckh von dir vnd zeuch vnden fast yber sich so muß er fallen vnd dir sein arbeit mit schaden